

ایران و اسرائیل جنگ ئنا دیھاڑ

لہزانکی کمیٹی بی ایس او آزاد

زوت آتیٹ اسرائیل نا پارہ غان عراق ٹ ایران کونسلٹ نا زی آ جلمو و 12
آن زیات ایرانی فوجی تا کسفنگ و دیھاڈ ٹ اولی وار ایران نا پارہ غان اسرائیل
نا زی آ جلمو آن پد اسہ وار پین جہان نا سیاست ٹ دا ہیت کاٹم ارفینہ کہ
ایران و اسرائیل نا نیام ٹ اصل جنگ انت ئنا زی آ مننگ ء ؟ اسرائیل نا جنگ
مدام عرب ملک آتیتون مسنے و زیات فلسطینی جہد ء پرغنگ ٹی اختہ مسنے و
خاص کر داسا کہ غزہ ٹی اود حماس نا برخلاف جنگ نا پڑو تس و ہزار آتا
کچ ٹ فلسطینی تے کسفے و بھس کرے، اینو جہان ٹ او نا برخلاف اسہ
سوگو ء بیانہ ئس جوڑ مسنے کہ او انتے ایران کن مدام کاٹم خل ئسے و ایران
نا برخلاف فوجی عمل نا دروشم ٹ بھلو فیصلہ ارفنگ ء، و ایران ہراکہ
جہان ٹ شیعہ ملک ئسے نا رد ٹ چاہنگگ، ارٹمی دا کہ جہان ٹ شیعہ
طاغت اس جوڑ کنگ و تینا زیم ء برجا تخنگ نا جہد ء کنگ ٹی ء، ولے
سوج دادے کہ ایران انتے فلسطین ٹ ساڑی سنی مسلمان آتیکن پریشان ء و
انتے اسرائیل تون مدام باء ئنا جنگ تننگ ء؟ و داسا زوت آتیٹ فوجی جنگ نا
پڑ آ اسرائیل تون مون پہ مون ء۔ دا ہیت و خیال آتے سرپند مننگ کن المی ء
کہ نن جہان نا طاغتی سیاست نا چاہنداری ء تخن کہ امر چلیک۔ دا ہیت ء
ہم پہہ مروئی ء کہ راجی تحریک و ایلو چنکا بھلا تحریک آتا سرسہبی و بے
سہبی کن امر و کڑد اس مونا ہتیک ؟

جہانی سیاست و سینٹرل ایشیا) مڈل ایسٹ (نا سیاست تون سیالی تخوکا
بندگا مدام شینک کاری تیٹی دا ہیت ء بنرہ کہ ایران و اسرائیل مدام جنگ و

جدل نا گواچی ء، اسرائیل نا وزیراعظم آن پلیس سیاسی سائنسدان آتسکان
 غٹ مدام دا ہیت آ فکرمند ء کہ ایران ء جوہری سلہہ دو بف یعنی کہ اود
 ایٹمی بمب وڑ ٹنا سلہہ جوڑ کنگ ٹٹ سرسہب مف، و ایران ء جوہری سلہہ
 جوڑ کنگ آن مَر تونگ کن کیہی جلمو آتے کریئے۔ دا جلمو آتیٹی اسرائیلی
 انٹیلیجنس ایجنسی موساد نا پارہ غان ایران نا سائنسدان آتا کسفنگ مرے یا
 کہ تیوہ غا جوہری پروگرام تا زی آ جلمو آک مریر یا امریکہ نا تہٹی ایران نا
 جوہری پروگرام آتا رد ٹٹ لابیئنگ مرے، اسرائیل ہر حال ٹٹ ایران ء تونگ
 خواہک ہرانا کلان بہلا مثل 2010 ٹٹ ایران نا uranium enrichment
 facilities آتا زی آ جلمو آک مریر یا 2010 آن پلیس 2012 ٹسکان ایران نا
 نیوکلئیر سائنسدان آتا کسفنگ مرے ہرافتیٹی مسعود علی محمدی، ماجد
 شاہریاری، فریدون عباسی، مصطفیٰ احمدی روشن و پین چندی سائنسدان
 آک اوار ء۔ دا ہمو سائنسدان آکو ہرا 2010 آن پلیس 2012 ٹسکان ایران نا
 تہٹی خلنگانو۔ حالانکہ اسرائیل دافتا خلنگ نا پڑو تینے ولے جہان دا ہیت ء
 چاہک کہ دا جلمو آک اسرائیلی انٹیلیجنس نا پارہ غان ایران ء جوہری طاغت
 اس جوڑ منگ آن تونگ کن مسنو۔ اندن کہ ایران دنو ملک ٹس اف کہ
 ارژتون اسرائیل کون ء ریاست ٹس مون پہ مون ء جنگ ٹسے نا نیمہ غا بٹنگ
 کے تینے، گڑا ہندا سوب آن موساد نا نیمہ غان ایران ء جوہری طاغت ٹس
 منگ ٹٹ بے سوب کنگ کن مدام اندن ء آپریشن کنگانے۔ ایران آن پیشن
 عراق نا تہٹی کہ ایران نا بھلو زیم ٹس ارے ء بھلو کچ ٹسے ٹسکان جلمو ہم
 کنگانے ہراتا مسخت ایران نا ریجنل ڈومینینسی ء سوگھو تخنگ مسنے۔

ہندا وڑ نے خنگ ٹٹی بریک کہ ایران نا نیمہ غان مدام اسرائیل نا برخلاف
 جہاد، جنگ و سیاسی رد ٹٹ جتا ء درشان خنگ ٹٹ بریرہ و ایران مدام تینا
 دژمن تیٹی اسرائیل ء تینا بہلا دژمن تکک ولے دا دژمنی نا تیوہ غا سوب
 فلسطین اف۔ ایلو دا کہ سیاست ٹٹ اسرائیل ء تونگ کن ایران نا مسخت
 بیرہ فلسطینی جیڑہ ء کمک کنگ یا سرسوب کنگ اف بلکہ ایران کن اسرائیل

۽ توننگ هم اونا بهلا سياسي مسخت آتے آن اسٹ ۽۔ ايہن تو امر ۽ کہ دژمن
 ئس مرے او مدام دا جہد ۽ کيک کہ تينا دژمن نا نزور آن نزور ئنگا رغ ۽ سر
 مرے او هموڑے اودے تاوان تننگ نا جہد ۽ کيک دن کہ اسرائیل ايران نا
 برخلاف اونا مذہبی حکومت، جمہوریت نا مفننگ، جتا ئنگا جاگہ تيا
 سلاہبند ئنگا گل آتا کمک کننگ و ايران نا برخلاف سوگھو ۽ بيانہ ئس جوڑ
 کننگ نا جہد ئی اختہ ۽۔ ہندا وڈ ايران نا نیمہ غان اسرائیل نا نزوری ہرا کہ
 فلسطین نا جہد ۽، اوڑان کٹ ارفنگ کن اسرائیل ۽ نزور کننگ نا جہد ئی ۽۔
 اسرائیل ۽ ايران نا نیمہ غان دا سياسي، ڈپلوميٹک و فوجی جنگ ہر وخت ٹ
 برجا ۽ و ايران زیات تينا اثر ۽ رسوخ نا پلویڑ ٹٹ الوکا گل آتا نیمہ غان مدام
 اسرائیلی کٹ ۽ فائدہ آتے تاوان تننگ نا جہد ئی ۽، و اسرائیل امریکہ ۽ ویسٹ نا
 کمک آن ايران نا زی ۽ سوگھو ۽ معاشی پابندی خلنگ ٹٹ سرسوب مسنے یا باز
 وخت گڑاس فوجی ایکشن آتا دروشم ٹٹ ايران نا مفاد آتے تاوان تننگ ۽۔ دا
 دائرہ دائسکان برجا ئس کہ ایلو نیمہ غان نے داسہ زوتس خلنگ ٹٹ بس کہ
 ايران ۽ اسرائیل مون پہ مون ۽ جنگ ئسے نا نیمہ غا اننگ ۽، و عراق نا تہی
 ایرانی فوجی تا خلنگ آن پد ايران اسرائیل نا برخلاف 300 آن زیات ڈرون،
 میزائل ۽ پین بھلو سلاہ تیتون جلمو کیک۔ دا ہندنو طاغتی ۽ جلمو مریرہ کہ
 اگہ اسرائیل ۽ امریکہ نا نیمہ غان Iron doom نا کمک مفروس گڑا مننگ
 کریکہ اسرائیل نا تیوہ غا ملٹی پوزیشن بھس مننگ کریکہ۔ بیرہ دا جلمو تے
 توننگ کن اسرائیل ۽ 1.1 Billion ڈالر نا تاوان مس۔ اسرائیل ۽ دا ہیت نا سما
 تما کہ دا وختا کہ اودے غزہ ئی جنگ نا مونٹس ارے، گڑا ايران نا وڈ ۽ طاغتی
 ئسے تون جنگ کننگ نادانی ئس مرو۔ ہندا سوب آن ايران نا جلمو آن پد
 اسرائیل پن نا تينا رکھنگ کن ايران نا جوہری سلاہ تے آن بیدس چنکو ارا مسہ
 ڈرون بال ایتک ہرافتے ايران خلیک پدا امریکہ نا کمک آن دا ہیت ۽ جہان ٹٹ
 تالان کيک کہ اسرائیل ايران نا زی ۽ جلمو کرینے، ولے اسرائیل تون ايران نا
 جلمو تا خلاف ہچ ۽ ورندي ئس مفک۔ اسرائیل نا نیمہ غان ہچ ۽ بھلو ملٹری

ایکشن ٹس نشان تفنگ آن پد ایران ء اسرائیل نا نیام ٹ سرجم ء فوجی
ایکشن تا گنجائش آک خلاص مریرہ ولے اسٹ ایلو نا رد ٹ اوفتا پوزیشن وا
ہم ہمو اسٹ ء ء سیاسی ء ایلو شیف ٹنا پڑ آتے ء ایران ء اسرائیل اسٹ ایلو نا
خلاف منظم ء چُست ء۔ ہندن کہ ہوٹی تا نیمہ غان ریڈ سی نا تہٹی اسرائیل ء
امریکئی معاشی مفاد آتے تاوان تنگ مرے کہ ہوٹی آتا تیوہ غا فوجی کمک ایران
نا نیمہ غان خننگ ٹی بریک۔ ہندا وڈ لبنان ٹ حزب اللہ نا نیمہ غان
اسرائیل نا زی ء جلموک مریر یا حماس کن ایران نا سیاسی ء فوجی کمک مرے
یا اسرائیل نا نیمہ غان ویسٹ ٹی ایران نا خلاف زیات ٹن زیات لابیٹنگ ء ایران
ء عراق نا تہٹی اندری ٹنگا آپریشن آک مریر او برجا ء، ء مننگ کیک کہ مون
مستی دا زیات مریر و طاغتی سیاست کہ ہرانا تول داسہ مچہ بریر خننگ
ء کہ ایران ء روس ء چین تون اوار نیام ایشیا ٹ تینا جند ٹنا تاغت ٹس ارے ء
اسرائیل ء ایران نا نیام ٹ تاغت نا تول خراب مریک یا اسٹ ایلو نا نیمہ غا
ہنار گڑا دا جنگ بھلو دروشم ٹی بلکہ فزیکل ء دروشم ٹیے آ سر مننگ
کیک دنکہ داسہ نا جلمو تے آن نے اونا اسہ دروشم ٹس خننگ ٹی بس۔

ایران ء اسرائیل نا اصل جنگ انت ء؟

اصل جنگ ہرا کہ ایران ء اسرائیل نا نیام ٹ ارے او بیرہ فلسطینی جہد افک
ء نہ کہ دا نا سیالی بیرہ ایران نا نیوکلئیر پاور مننگ تون تفوک ء بلکہ اصل
جنگ ہمو سیاسی مسخت آکو کہ اسرائیل نا مسخت آتا نیام ٹ ایران اڑی
کننگ ء و ایران نا مسخت آتا نیام ٹ اسرائیل اڑی کننگ ء۔ دا اڑتوما ریاست
آک دا گپ ء جوان پوہ مریرہ کہ اگہ نیام ایشیاء ء دنیا نا تہٹی تینا مسخت آتے
پورو کروئی ء گڑا دا تاغت آتا تہٹی اسٹ ایلو ء مات تروئی ء۔ نیام ایشیاء ٹی
اسرائیل نا برخلاف ایران آن بیدس ہچ ء دنو تاغت ٹس سلتنے کہ اسرائیلی فوج

ء انٹیلیجینس نا تاغت ء وس ء توننگ کے، و اسرائیل ء دا نیمہ غا بھلو تاغت
ئس جوڑ مننگ آن توننگ کے۔

ہندا وڑ اگہ ایران نا ہیت مرے گڑا نیام ایشیا ئی اسرائیل آن بیدس ایران نا
مون ء ہچ ء تاغت ئس اف کہ ایران نا جنگی تاغت ئنا مون آ اڑی کنگ کے۔
اسرائیل دنکہ تینا قوم ئنا جنگ ء کنگ ئی ء دنکہ جہان و خاص کر نیام
ایشیاء ئی تینا وجود نا مننگ کن جنگ کنگ ء دنکہ گدرینگوکا ہفتاد سال
ء کہ نیام ایشیاء ئی عرب ملک آک و نام نہاد ئنگا مسلمان ملک آک اسرائیل
نا وجود ء مننگ کن تیار متنو ولے شش دیہی جنگ (Six Day War) آن پد
خاص کر عرب ملک آتا اسرائیلی تاغت نا مون ء دوو تے بڑا کنگ نا بنا مس
و اسرائیل نا مننگ نا پام تیوہ غا عرب ملک آتا نیام ٹ بس۔ ہندن عرب ملک
آیتون اوار تینا وجود نا خاطر آن جنگ آن پد عرب ملک آتے و نیام ایشیاء نا
ملک آتے دا ہیت نا سما تما کہ اسرائیل اسہ گواچن ء ریاست و اسہ سوگہو ء
ریاست ئسے اندا سوب آن اسرائیل ء مننوی تمک و جہان نا مون آ فلسطین
کیس نا رد ٹ ارا ریاستی توجیل ئس یو این نا نیمہ غان تروکو مننگ نامہ ئس
مون آ تخنگا و تیوہ غا نیام ایشیاء نا ملک آک اسرائیل ء اسہ ریاست ئسے نا
حیثیت ٹ مننگ نا نیمہ غا ہنار۔ ہندا گڑا یاسر عرفات ء ہم سما تس و
اسرائیل تون گپ ء تران نا نیمہ غا انا و ارا ریاستی توجیل ء ہراڑی کہ فلسطین
نا زیات دغار اسرائیل ء تننگاسر ہم مننگ کن تیار مس انتے کہ اسرائیل تینا
تہٹی ہنداخس تاغتور ئس کہ عرب ملک آتیاں الیس نیام ایشیاء نا تیوہ غا
تاغت آک اونا مون ء دوو تے تینا بڑ کریر و فلسطینی راہشون آک نیام
ایشیاء و خاص کر ساوتہ یونین نا پنگ آن پد دا اومیت ء چغل تسر کہ داسہ
نیام ایشیاء ئی دنو تاغت ئس بنگ کرو کہ ہرا اسرائیل نا تاغت ء پرغنگ
کننگ کے و اسرائیل نا برخلاف فلسطینی کاز ء کمک کنگ کے یا دنو تاغت
ئس ارے کہ ہرا اسرائیل نا وجود آن نم مننگ کے و فلسطین ء جوانو وڑ
ئسے ٹ سلاہ ء توفک تننگ کے۔ ساوتہ یونین نا پنگ آن پد فلسطین نا

نیشنلسٹ ء سوشلسٹ آک اڑپ مسر خاص کر پی ایل او تینا اومیت آتے چغل
 تس ولے 1979 نا وخت ایرانی انقلاب نا بننگ آن پد ایران تینا وجود ٹٹ بننگ
 تون اوار جہان ء خاص کر ایران ء نیام ایشیاء امریکہ نا ایجمنی ء پیغور تننگ ء
 بنا کریر۔ دا وخت ٹٹ امریکہ عراق ء سرجمی ٹی کمک کرے ء صدام حسین
 ایران نا زی ء جلمو کرے ء 10 سال ٹسکان عراق تینا تیوہ غا وس آتے خلک۔ ده
 سال ٹسکان ایران ء عراق نا جنگ آن پد عراق بھس مس، عراق ہرا کہ نیام
 ایشیاء نا بھلا تاغت آتیاں اسٹ ٹس تکنگا کہ ولے ده سال ٹسکان ایران تون
 جنگ کننگ کہ اودے سرجم امریکہ ء ایلو ویسٹ نا تاغت آک کمک کیرہ
 ایرانی انقلاب آن پد ایران ء خاص کر نیام ایشیاء ٹٹ اوفتا مفاد آتے ء ڈغار ء
 بھلو تاوان ٹس رسیننگ ء امریکہ تینا برخلاف دنو سوگھو ء تاغت ٹس
 سگنگ کن تیار مفک گڑا امریکہ نا نیمہ غان عراق سرجمی ٹی کمک کننگ
 کہ او ایران نا پوسکنا بروکا حکومت ء مات ایٹے، ولے ده سال نا جنگ ٹٹی تینٹ
 وخت ٹس کہ عراق فوجی ء معاشی رد ٹٹ نزور مریک ء ایران تون گپ ء تران
 کیک ء ایران تینا وجود ٹٹ بننگ تون اوار امریکہ، ویسٹ نا نام نہاد ء
 ڈیموکریٹ پالیسی ء لبرل آرڈر نا خلاف تاغت ٹسے نا دروشم ٹٹ مونی بریک۔
 ایران بیرہ امریکہ آخہ بلکہ برطانیہ ء ایلو یورپی تاغت آتا خلاف ہم مونی
 بریک۔ زمانہ سے آن پد نیام ایشیاء ٹی دنو تاغت ٹس مونی بریک کہ ہرا امریکہ
 ء ویسٹ ٹنا ایجمنی ء پیغور تننگ نا بنا ء کیک ء اسرائیل نا خلاف زیات ہندا
 سوب آن مونی بریک انتے کہ اسرائیل نیام ایشیاء آن الیس عرب ملک آتے
 ٹسکان تولوک مریک ء ویسٹ نا لابیئنگ ریاست ٹسے نا دروشم ٹٹ اوڑے
 تولک۔ ایران ء اسرائیل بنداو آن قبول مفک ء وخت ٹس کہ ایران مونی بریسہ
 کیک ء خاص کر 2000 نا دہائی نا وخت کہ اسہ جار ولدا فلسطین ٹٹ
 حماس سوگھو مریسہ کیک ء اسرائیل نا برخلاف اسہ پوسکن ء سوگھو ء
 مزاحمتی تاغت ٹس جوڑ مریسہ کیک گڑا اسرائیل ء ہم دا ہیت ٹنا سما تمک
 کہ ایران نا سوگھوئی اونا وجود نا خاطر آن خلیس ء اڑز ٹسے۔ وخت ٹس کہ

ایران نیام ایشیاء نا تیوہ غا ملک آتیٹی ماس خلنگ ۽ زیات کریسہ کیک گڑا
 اخس کہ گدرینگوک ئنگا توہ ۽ سال آتیٹی اسرائیلی اسٹیبلشمنٹ ۽ دا گپ نا
 زیات سما تمسہ کیک ہمو تم یکدم ایران آن کمک الوکا ٹولیک اسرائیل نا سیم
 آتے ۽ بریرہ اسرائیل نا زی ۽ جلمو کنگ نا بنا ۽ کیرہ۔ ہندن کہ اسرائیلی وجود
 ۽ رکھنگ کن امریکہ ۽ برطانیہ نا کڑد ئس ارے، ہندا ڈول ٹ فلسطین ۽
 اسرائیل نا خلاف نیام ایشیاء ٹی پوسکنو مزاحمت ئسے نا دروشم ہم ایران نا
 کمک ٹ خنگ ئی بریک۔ ایلو عرب ملک آتیتون جنگ کنگ ۽ ایران تون
 جنگ نا تجربہ آن پد اسرائیل ۽ دا ہیت نا سما تمک کہ ایران عرب ملک آتیاں
 زیات بھلو ۽ سوگھو ۽ جنگی تاغت ئسے ۽ ایران نا پراکسی تا تالان کنگ آن دا
 گپ بیرہ امریکہ ۽ اسرائیل کن ویل ئس مفک بلکہ جہان ۽ دا ہیت نا سما
 تمک کہ ایران نا مسخت بیرہ ایران نا جند ۽ تاغطور کنگ اف بلکہ ایران تیوہ
 غا نیام ایشیاء ۽ فتح کنگ خواہک داڑتون اوار ہندا وڑ ٹ تینا اثر ۽ رسوخ
 ئی توننگ خواہک تا۔ ہندا وڑ امریکہ یورپ نا ملک آتے تینا اثر ۽ رسوخ ئی
 تورینے۔ اگہ ایران ۽ نیام ایشیاء ٹی ہندن ۽ تاغت ئس رسینگا کہ اوڑے او
 سیاست ۽ فوجی سنگر آتے تینا دوو ٹی کرے گڑا بیرہ اسرائیل کن اسہ بھلو بہیم
 ئسے نا دروشم ٹ مونی بفق بلکہ امریکہ ہرا کہ بھلو وخت ئسے نا ۽ خاص
 کر عراق ۽ شام ئنا بھس مننگ آن پد کہ نیام ایشیا ٹی تیل نا فائدہ ۽ ارفنگ ۽ ۽
 دا خطہ ئی تینا سوگھو ۽ النگ توننگ ئس تخانے ۽ زیات ملک آتے تینا ایتاج
 کرینے اگہ ایران مون مستی تاغت نا تول ۽ اوڑتون برپیر کے گڑا اونا اولی جہد
 ہندا مرو ۽ کہ نیام ایشیاء آن امریکہ ۽ کٹھے ۽ امریکہ ۽ ویسٹ نا اسرائیل ۽
 کمک کنگ ۽ اونا وجود ۽ رکھنگ نا بنداوی فائدہ نے آن اسٹ ہندادے کہ
 اسرائیل نیام ایشیاء ئی امریکہ ۽ ویسٹ ئنا ملک آتا فائدہ ۽ مفاد آتے رکھنگ
 کے۔ اگہ پگہ نا دے تاغت آتا تول ٹ مٹی ئس بس ۽ اسرائیل داخس لائخ متو
 کہ او امریکہ ۽ ویسٹ نا ایلو ملک آتا فائدہ ۽ مفاد آتے پورو کنگ کے گڑا
 راست ئنگا گمان ہندادے کہ دا تاغت آک اسرائیل کن تینا کمک آتے بند کرور

تانکہ دا خطہ ٹ ساڑی ایلو تاغت آتیتون ہندنو اتحاد ء الاٹینس ئسے نا کنڈ
 آ کار کہ امریکہ ء فائدہ رسینگ۔ اسرائیل ء ایران نا جنگ بیرہ تینا ملک آتیتون
 گنڈوک اف بلکہ دا جنگ ء دا جنگ ئنا سرسہبی ء بے سوہی نا سیالی تیوہ غا
 خطہ آتیتون ء جہان نا سیاست تون گفوک ء۔ دا تاغت آتا تول ئٹی ہر ور ئنا
 مٹی ء بدلی ئس جہان نا سیاسی آرژر نا زی ء تینا زیم ء شاغنگ کنگ کیک۔
 عراق، شام، لبنان ء ایلو ملک آتا دا جاور ء سر مننگ آن پد باز ء ریاست ء
 ملک آک ویسٹ نا نام نہاد ئنگا جمہوری ء سیاسی فکر نا خلاف ء، ء دا ہیت
 ء سرپند مریرہ کہ ویسٹرن ڈیموکریسی نا بنداوی خواست ء مسخت امریکہ ء
 ویسٹ نا فائدہ ء مفاد آتے پورو کنگ نا ء۔ دا وخت ٹ اوفتا ملک آک بہس
 مریر امریکہ ء ایلو ریاست آتے شاہی ئس ہم بیٹ مفک۔ ہندا سوب آن نیام
 ایشیاء ئٹی اسرائیل آن بیدس ویسٹ ء پین سوگہو ء اتحادی ئس اف ولے ایلو
 نیمہ غا ایران تون سوگہو ء اتحادی ٹولی ء ریاست ساڑی اریر۔

ایران نا جوہری تاغت اسرائیل ء امر ء تاوان تننگ کیک؟

ہندن کہ ایران گدرینگوکا بھلو وخت ئس مریک خاص کر ایرانی انقلاب آن پد
 ایرانی راہشون آتا نیمہ غان جوہری تاغت ئس جوڑ مننگ کن مدام جہد
 مننگ ئٹی ء، ء ایران تینا فوج ئنا زی ء بھلو کچ ئسے ٹ کاریم کنگ ء۔
 جوہری سلاہ تے آن بیدس داسہ جہان نا جتا ئنگا ہند آتیا ایران جتا جتا ئنگا
 سلاہبند ئنگا گل آتے کمک کنگ ء تاکہ او تاغت ء تینا دوو ئی کنگ ء۔ دا
 ٹولی تا تہٹی گڑاس ہندنو ٹولی اریر کہ ارا ایران نا سیاسی اتحادی ء دنکہ
 حماس نا ور ئنگا تاغت آکو کہ اوفتا کمک ء حمایت پراکسی افس بلکہ سیاسی
 ء ء خاص سیاسی مسخت آتیکن اسٹ ایلو تون سیالی تخنگ ء، انتے کہ ایران
 ء بیدس نیام ایشیاء غان ہچ ء عرب ریاست ئسے تون دنو سیاسی سیالی اف کہ

ارا حماس نا وڑ ٹنگا ٹولی تے اسرائیل نا برخلاف جنگ کنگ کن دا کچ ٹسکان
 سلاہ ایتر، ولے ایران دا بودناکی ء فکر ء تخک کہ اسرائیل ء نزور کنگ کن
 حماس ء کمک کنگ اخس المی ء۔ ہندا سوب آن داکان او فتا نیام ٹ اسہ
 سیاسی ء سیالی ٹس جوڑ مسنے، ہندا وڑ نے امریکہ تون جہان نا باز ملک ء
 ٹولی تا سیاسی سیالی خنگ ٹی بریک دنکہ داعش ء مات تنگ کن امریکہ نا
 نیمہ غان پی کے تون اتحاد نا مثل ننا مون ٹی ء۔ روس نا ککاسس جنگجو تا
 کمک کنگ یا چین نا خلاف تائیوان ء ہانگ کانگ نا جنگول آتا کمک کنگ،
 ایلو دا کہ روس ٹنا خلاف جنگ کنگ کن یوکرین ایران نا خلاف کاریم کروکا
 جنگجو ء سیاسی بندغ آتا سیاسی ء سفارتی کمک کنگ نا مثل آک اریر۔ ایران
 نا نیمہ غان ہم اسرائیل ء امریکہ ء نزور کنگ کن جتا ٹنگا ٹولی تا کمک
 کنگ نا خاص ٹنگا مسخت ہرٹوماتا نیام ٹ سیاسی ء ۔ ہندا وڑ امریکہ ء دا
 ہیت ٹنا سما ء کہ چین ہر وڑ کہ تاغور مریک گڑا جہان ٹی امریکٹی آرر
 انداخس زوو پنگ نا نیمہ غا کاک و امریکٹی ڈومینینسی انداخس زوو ایسر
 مریک۔ ہندا وڑ نیام ایشیاء ٹی ایران نا اثر ء رسوخ اخس کہ زیات مریک
 خاص کر اگہ ایران جوہری سلاہ جوڑ کنگ ٹ سرسوب مرے گڑا تاغت نا
 سیاست ٹی تینا ڈغار ٹنا زی ء ناقابل جنگ جاور جوڑ کے گڑا دا اسرائیل نا
 وجود ٹکن ہنداخس بھلو بہیم ٹس مرو ء ہراخس کہ نیٹو نا یوکرین نا تہٹی
 بنگ و تینا فوج ء دڈفنگ روس ٹکن بہیم ٹس مریک۔ ایران ہرا کہ تیوہ غا
 نیام ایشیاء و ایشیاء نا تہٹی تینا سوگہو ء تاغت ٹس جوڑ کنگ خواہک اونا
 مون ء اسرائیل اڑی کنگ ء گڑا پگہ اگہ ایران تینا ساڑی ء پوزیشن ء زیات
 تاغور کیک ہندن کہ داسہ جوہری سلاہ تے آن بیدس ایران، امریکہ ء
 ویسٹ نا ایلو تاغت آتیتون جنگ کنگ کن تیار ء گڑا پگہ ایران اسرائیل نا
 خلاف کاریم کروکا اخس کہ ٹولی اریر زیات ٹن زیات کمک ء مدت تنگ کیک
 و نیوکلیئر تاغت ٹس جوڑ کنگ آن پد اسرائیل کن زیات ٹن زیات اڑز ء بہیم
 ودی کنگ کیک۔ اگہ ایران جوہری سلاہ جوڑ کنگ ٹ سرسوب مس گڑا

فلسطينی و اسرائیل نا خلاف کاریم کروکا و سوچ تخوکا ملک آتے زیات است
 بڈی رسینگو۔ ایلو دروشم ٹٹ دا ہند ء جاگہ تیٹی ایران نا تاغت ء پرغنگ وس
 آن پیشن مریک۔ داسہ ایران تون جوہری سلاہ اف ولے یمن، لبنان، فلسطین،
 شام، عراق و جتا ننگا ملک و جتا ننگا ٹولی تے ایران تینا سیاسی مسخت آتیکن
 کمک کننگ ء پگہ اگہ ایران تون جوہری سلاہ ساڑی مرے گڑا او گیشتر جنگی
 تاغت آتے تینا کننگ کیک۔ بیرہ ایران آخہ بلکہ سع ودی عرب ہم جوہری
 سلاہ جوڑ کننگ نا نیمہ غا کائک، انتے کہ تاغت نا تول ء ہر وڑ ٹٹ بریپر
 مروئی ء اگہ ایران جوہری سلاہ جوڑ کرے گڑا اوڑتون اوار سعودی ہم المی
 جوہری سلاہ جوڑ کننگ نا جہد ء کیک و ہندن اسرائیل ہم جوہری سلاہ
 جوڑ کننگ نا نیمہ غا کائک و جہان نا تہٹی جوہری جنگ ٹنا اسہ پوسکنو
 عمل ئسے نا بنا مننگ کیک ہرا ساڑی ء آرڑر کن تاوان نا سوب ئس مننگ
 کیک۔ ہندا سوب آن اسرائیل، امریکہ ء تیوہ غا یورپی ملک آک دا جہد ء
 کننگ ء کہ ایران جوہری سلاہ جوڑ کننگ کپ ء جہان اسہ پین جہانی جنگ
 ئسے نا نیمہ غا اننگ کپ۔

اسرائیل انتے ایران ء سوختہ ء؟

اسرائیل ء ایران نا بہیم باز ء ہند آتے ء ارے و اسرائیل تینا کروکا کاریم تے آن
 جاگہ نا جاگہ ئس دا گڑا تا درشان ء ہم کیک۔ 1979 نا ایرانی انقلاب آن
 مست اسرائیل ایران سیکیورٹی تھریٹ ء ڈیل کتو و اونا خن تیٹی زیات عرب
 ریاست آک مسنو و ایران نا تہٹی رضا شاہ پہلوی نا دروشم ٹٹ امریکہ نا
 سنگت ء حکومت ئس مسنے ولے ایران نا انقلاب دا جاگہ ٹی بھلو مٹی ء بدلی
 ئس اتیک، و دا مٹی ء بدلی تیان اسٹ اسرائیل ء ایران نا سیالی نا مٹی ء۔ ایرانی
 انقلاب آن پد ایران جہان نا ء خاص کر نیام ایشیاء ٹی تینے مسلمان ملک آتا

خواجه پائڪ وُ امريكه ءُ ويسٽ نا خلاف ءُ تاغت ئيسے نا دروشم ٺٽ موني
 بريك۔ داسه نا وخت ئي اسلامي آرژر نا تهٺي فلسطين نا جيڙه اسلامي رد ٺٽ
 كل آن بهلا جيڙه ءُ كه ارا نا زي ءُ اسرائيل قوضه كرينے۔ دا بابت ٺٽ ايران
 فلسطيني جيڙه ءُ تينا بنجاہي كچ ءُ ارفڪ ءُ اسرائيل نا خلاف دا سوب آن ترند
 ءُ كه اگه ايران سوگهو مس يا دا جاگه ٽے تينا پنجه ٺي ڪنگ ٺٽ سرسوب مس
 گڙا باز گنجائش ارے كه ايران اسرائيل ڪن بيره سيڪورٽي آخه بلڪه اونا قوم ٺٽا
 زي ءُ هم بهلو بهيم ٺٽس مننگ ڪيڪ، انتے كه ايران اسرائيل ءُ تينا سرڪاري كچ ءُ
 قانود آن پيشن نا رياست ٺٽس تڪ وُ هراتم هم اورٽون تاغت نا تول زيات مس
 وُ اسرائيل نزور ءُ حاليت ئيسے ٺي سر مس گڙا ايران اونا خلاف زيات سوگهو ءُ
 دروشم ئيسے ٺي ڪاريم ڪنگ ڪيڪ۔ دا بابت ٺٽ اسرائيل ايران نا خلاف مدام
 سوخته ءُ وُ خاص ڪر ايران نا جوهری سلاه تا رد ٺٽ اسرائيل باز مونجا ءُ۔
 اسرائيل نا ايجنسي ايران نا نيوكليئر پروگرام تون تفوك اخس كه سائنٽسٽ ارير
 اوفتے مدام جتا جتا ٺٽا اپريشن آتپي مرگ ٺٽا گواچي ڪنگ ءُ وُ ايران نا خلاف
 سخت ترند ءُ روش ٺٽس توننگ ءُ۔ خاص ڪر اسرائيل نا جهد ءُ كه ايران تينا
 هند آن پيشن هچ وڙ ءُ اثر ءُ رسوخ ٺٽس تخپ۔ داسه نا دے تيٺٺ كه عراق ٺٽي
 ايراني ڪانسليٽ نا زي ءُ جلهو هم اسرائيل نا هند ڪوشست آتا بشخ ئيسے كه
 ايران نا اثر ءُ رسوخ وُ اونا خواجهي ءُ ڪم آن ڪم ڪنگ ڪے۔ هندن كه اگه ايران،
 شام ءُ عراق نا تهٺي تينا پوزيشن ءُ زيات سوگهو ڪيڪ گڙا امريكه ءُ خاص ڪر
 اسرائيل نا جند ٺڪن دا سخت بهلو بهيم ئيسے۔ بيره اسرائيل آخه بلڪه امريكه نا
 هم جهد هندادے كه ايراني انقلابي گارڙ عراق نا تهٺي زيات ٺٽن زيات تاغتور مف
 انتے كه اگه ايران عراق ءُ شام نا تهٺي جوان ءُ پوزيشن ئيسے آ سر مس گڙا داڙے
 پدا امريكه ڪن تولنگ ويل ٺٽس مريك ءُ پگه نا دے امر ءُ هم جنگ ئيسے نا
 دروشم ٺٽس مرے ايران نا عراق ءُ شام نا تهٺي ساڙي مننگ ويسٽ ءُ اسرائيل
 اڙتوما تيڪن سخت بهلو بهيم ئيسے آن ڪم اف، گڙا ايران ءُ فوجي ءُ سياسي ءُ
 خاص ڪر معاشي رد ٺٽ نزور ڪنگ ڪن ويسٽ ءُ خاص ڪر امريكه سخت

بهلو جهد ئس کنگ ء۔ دا بابت ئت ننه خنگ ئی بریک که 2015 ئی امریکه
 نا نیمه غان جوهری سلاه تا رد ئت ایران تون منگ نامه ئس کنگ ء ایران نا
 خلاف بهلو کچ ئی ئت پابندی خلنگ و لے ڈونلڈ ٹرمپ نا بننگ تون دا
 منگ نامه ولدا خلاص کنگ ء ایران نا زی ء ہندا دوبه خلنگ که منگ
 نامه آن پد ہم ایران تینا جوهری سلاه تا جوڑ کنگ نا کوشست ء کنگ ء و
 یورینیم نا پیداوار ء زیات کرینے، ایہن تو دا تیوه غا کاریم آتا بنی مسخت ایران
 نا تاغت ء نزور کنگ نا ء۔ دا بابت ئت ایران نا تیل ئنا واپار ء ایلو معاشی
 سیکٹر آتے ء ہم بهلو کچ ئی ئسکان پابندی خلنگ۔ ہندا ڈول ئت امریکه
 سعودی ء خلیج نا تہٹی ساڑی ریاست آتا سیوت نا کمک ئت ہم ایران ء مدام
 تونگ نا جهد ء کرینے۔ ہیت آتا بنی مسخت دادے کہ دا وخت ئت اسرائیل ء
 اوڑتون اوار سلوک آک دا ہیت ئنا زی ء اسه پن ئی ء سلوک ء کہ ایران ء
 بهلو تاغت ئس جوڑ منگ آن ہر وڑ ئت توروئی ء۔ امریکه اخس کہ سیاسی ء
 معاشی بندا ء ایران ء تونگ نا جهد کنگ ء ہموخس اسرائیل فوجی شگل
 ئت ایران نا خلاف کاریم کنگ ء، خاص کر عراق ء شام ئنا تہٹی اسرائیل ایران
 نا خلاف باز اندری ء گام ارفینے ارافتا بنی مسخت ایران ء تاوانی کنگ نا مسنے۔
 عراق ئی ایران نا خلاف امریکه ء خاص کر داسه زوتس اسرائیل نا جنگی گام
 آتا بنی مسخت اندادے و اسرائیل مون مستی ایران نا خلاف پین زیات ترند ء
 گام ارفنگ نا نیمه غا کائک دنکه داسه حماس نا نیمه غان اسرائیل نا زی ء ترند
 ئنگا جلهوک اسرائیل ء مون مستی کن پین زیات مونجا کرینے، و او دا ہیت
 آن واخب ء کہ اگہ ایران تونگ متو و حماس ء ایلو گل آک دنکه اسلامک
 جهاد ء حزب اللہ نا وڑ ئنگا سلاہبند ئنگا گل آک مسر گرا او اسرائیل نا خلاف
 بهلو کاریم کنگ کیرہ۔

ایسر :

ایران و اسرائیل نا نیامٹ دا جنگ ہمو وخت ئسکان برجا مرو اسکان کہ ہڑتوما طاغت آتا نیامٹ طاغت نا تول بریبر سلتنے، اسرائیل نا ہندا کوشست ء کہ امریکہ و ویسٹ نا کمک ٹ ایران نا ریاست ء نزور کے و امریکہ نا کوشست دادے کہ ایران نا تہٹی خمینی حکومت ہرا کہ داسا ایران نا تہٹی ساڑی ء) و شیعہ تا حکومت ء (اودے مٹ کے و اونا جاگہ غا اسہ پرو ویسٹرن، پرو ڈیموکریٹک حکومت اس مونا ہتنگ ٹی سرسہب مرے تاکہ ایران نا طاغت ء گٹ کے یا اوفتا کوشست ہندادے کہ ایران نا شیعہ حکومت ء سینٹرل ایشیاء ٹی بے وس و بے اثر کیر، ہندنکہ داسا سوگو ء پوزیشن اس سامبنگ ء۔ ایران ء نزور کنگ کن ویسٹ ئنا پارہ غان بھلو فیصلہ ارفنگانے کہ ہرافتیٹی ایران ء Diplomatically isolate کنگ مرے یا اونا زی آ سیاسی و فوجی پابندی خلنگانے کہ اونا زرگزرائی) معیشت (مونی ہننگ کپ یا اونا زر ئنا نہاد چغل تننگہ ولے ایران نا پارہ غان دا تیوہ غا ڈھینڈ آتیان پد ہم تینا زرگزرائی ء سوگو تخنگانے کہ ہرانا تہٹی چین، ایران و روس ئنا بھلو کڑڈ ئسے۔ ایران نا تیل آتا بھلا گراک چین ء ہرانا آبادی تیوہ غا ویسٹ نا آبادی تون بریبر ء و اودے جہان نا تیوہ غا ریاست آتیان زیات تیل ئنا گرج ء۔ ہندا وڑ ایلو پارہ غا ہندوستان ء کہ ہرانا آبادی جہان نا کلان بھلا آبادی ء و اونا تیل ئنا گرج چین تون بریبر ء و دا ڈیہہ تیتون جوانو سیالی اس جوڑ مننگ نا سوب آن ایران تینا زرگزرائی ء سوگو تخانے۔ دا ڈیہہ تے جوانو وڑ ئسیٹ تینا وسائل آتے بہا کنگ ء و تینا ضرورت نا گڑا تے ہندا ڈیہہ تیان بہا ٹ ہلنگ ء دنکہ دا ہندنو ریاست ء ہرافتے امریکہ # پیغور ہم تننگ کپک۔ ایلو پارہ غان اسرائیل نا طاغت نا تول ء ایران تون بریبر کنگ کن ویسٹ و خاص کر امریکہ نا پارہ غان اسرائیل ء سوگو ء زرگزرائی، فوجی، سیاسی و ڈیپلومیٹک کمک تننگ ء۔ اسرائیل نا فوج ء سوگو کنگ کن امریکہ نا پارہ غان سال ئنا کروڑ آتا کروڑ آک خرچ مننگ ء۔ داسا گدرینگوکا توہ ٹی امریکی کانگریس نا پارہ غان اسرائیل نا فوجی رکھ ئکن 26 بلین ڈالر تننگانے۔ فوج نا سوگو مننگ کن بنداوی شرت جوانو اکنامی ئسینا

گرج ۽ کہ اینو امریکہ اسرائیل ۽ ہر وڑٹنا کمک تننگ ۽۔ Iron doom نا
دروشم ٹٹ سوگھو ۽ فوجی ازباب اگہ اسرائیل ۽ تننگپروسس گڑا حماس، حزب
اللہ و ایران نا میزائل و راکٹی جلمو آک دا وخت ٹسکان اسرائیل نا گیشتر شار و
بازار تے بھس کریسر ولے امریکہ نا کمک آن دا وخت ٹسکان اسرائیل سینٹرل
ایشیاء و ایران نا مقابلہ ٹی تینا تول ۽ برپیر کرینے و تومکا ریاست آتا کوشست
ہندادے کہ اسٹ ایلو ۽ Back door strategies آتیاں نزور کیر۔ ولے
دائسکان گلوبل سیاست نا تھٹی طاغت نا تول امریکہ، چین و روس نا پارہ غان
برپیر ۽۔ ایلو ہندا وڑ گمان کننگ کہ دافتا نیامٹ طاغت نا تول برپیر مرو کہ
اسٹ تون امریکہ و ایلو تون چین نا سیاسی و ڈپلومیٹک کمک ساڑی ارے، و
ہمو ساہت ٹسکان کہ طاغت نا سیاست ٹی بہلا طاغت آتا طاغت نا تول
پنیپک و برپیر سلیک، گمان ہندادے کہ دا ارٹ نا نیام ٹی ہم دا طاغت نا تول
ہندا وڑ برپیر سلیک و اسٹ ایلو ۽ نزور کننگ کن دافتا نیام ٹٹ اندن ۽
کوشست و بڑز ۽ شیفیک برجا مرور دنکہ داسہ برجا ۽۔